

第〇八九冊

方輿彙編

職方典

平陽府部

潞安府部

汾州府部

(卷)

三九—三〇

三三—三六

三七—四〇

古今圖書集成

中華書局影印

欽定古今圖書集成方輿彙編職方典

第三百二十九卷目錄

平陽府部紀事二



職方典第三百二十九卷

平陽府部紀事二

府志隋文帝開皇六年霍州老人化為猛獸時鶴幸太原傍汾河開道獲一石有文曰大道末吉因以為瑞遂置靈石縣

高祖本紀開皇七年十月幸蒲州燕父老上極懼曰此間人物衣冠鮮麗容止閑雅良由仕宦之鄉陶染成俗也

楊尚希傳尚希數有足疾上謂之曰蒲州出美酒足堪養病屈公臥治之於是出拜蒲州刺史仍領本州宗團驍騎尚希在州甚有惠政復引澧水立隄防開稻田數千頃民賴其利

高祖仁壽四年秋高祖崩漢王諒鎮太原徵之不起遂發兵反聞喜人參軍王頊說諒直據京都兵曹裴文安說諒分遣麻兵屯守要路率其精銳直入蒲津京師震擾兵不暇集旬日之間大事可定諒大悅於是遣諸將分道四出署文安為柱國與紀單貴王聃等直指京師諒簡精銳數百騎戴羅離詐稱宮人還

長安徑入蒲州城中豪傑亦有應之者未至蒲津百餘里諒忽改圖令紀單貴斷河橋守蒲州而召文安文安至曰兵機貴速本欲出其不意王既不行文安退使彼計成大事去矣諒不對以王聘為蒲州刺史裴文安為晉州薛粹為絳州梁普薩為潞州韋道正為韓州張伯英為澤州煬帝遣楊素率騎五千襲王聃紀單貴于蒲州素夜至河際收商賈船得數百艘置草其中賤之無聲遂銜枚而濟運明擊之單貴敗走聃以城降于是率步騎四萬趨太原諒窮蹙降於素諒餘黨據晉絳等三州未下詔周羅喉行晉絳呂三州諸軍事進兵圍之為流失所中卒于師

煬帝大業七年十月底柱崩偃河逆流數千里

十一年河清於龍門

李淵為山西河東慰撫大使擊龍門賊毋端兒射七十發皆中賊敗去而斂其尸以祭京觀盡得其箭千其尸

十二年絳郡賊敬樂陀柴保昌等阻兵數萬汾晉苦之詔令樊子蓋進討於時人物殷阜子蓋善惡無所分別汾水之北村塢盡焚之百姓大駭相率為盜其有歸首者無少長悉坑之據衆經年不能破賊有詔徵還十二月以李淵代之有降者淵引置左右由是賊衆多降

十三年蒲州兵晷夜有光如火時堯君素守蒲河復清於龍門

夏六月唐高祖起兵太原七月丙辰次靈石至賈胡堡去霍邑五十餘里代王侑遣郎將宋老生帥精兵二萬屯霍邑以拒唐會天久雨糧且盡八月高祖謀

欲還兵太原秦王世民諒曰義師為天下起也宜直入咸陽號令天下今還守一城是為賊爾高祖不納世民哭于軍門高祖驚怒問之對曰還則衆散於前而敵乘於後死亡須臾勢以悉爾高祖悟曰起事者汝也成敗惟汝時左軍已先返即與龍西公建成分追之夜半太宗失道入關於其馬步行及其兵俱還高祖乃將而前至霍邑宋老生不出世民從數騎傳其城舉鞭指揮若將圍之者老生怒引兵三萬分道而出高祖使殷開山趣召後軍後軍至高祖欲使軍士先食而戰世民曰時不可失高祖率建成居其東世民及柴紹居其南老生兵薄東陳建成墜馬老生乘之高祖軍却世民自南原馳坂分兵斷其軍為二而出其陣後老生兵敗投壑劉弘基就斬之日已暮將士肉薄而登遂克之丙戌克臨汾辛卯克絳郡癸巳次龍門劉文靜康鞘利以突厥兵五百人馬二千匹至高祖喜其來緩謂文靜曰吾西行及河突厥始至兵少馬多皆君將命之功也隋驍衛大將軍屈突通守河東絕津梁高祖欲先取京師恐通恃其後猶豫未決裴寂說曰今逼據蒲關未下而西我腹背支敵敗之符也不若破通而後趨京秦王曰不然兵尚權權利於遠今乘機渡河以奪其心且關中羣盜處處屯結疑力相仗易以招懷撫而有之衆附兵強何向不克通自守賊耳庸能患我一失其機勝負未可知也河東戶曹任瓌亦勸高祖自梁山濟河鼓行而進據東豐倉高祖留兵圍蒲自引軍而西唐兵濟河破隋將桑顯和於飲馬泉通大懼乃留鷹揚郎將堯君素守蒲自引兵援長安唐呂紹宗韋義節等

攻蒲不克十二月屈突通軍敗降唐至城下呼堯君素君素曰公當爪牙之奇爲國大臣主上委公以關中代王付公以社稷國祚隆替懸之于公奈何不思報効以至于此公所乘馬卽代王所賜也公何面目乘之通慙而退時國甚急行李斷絕君素乃爲木鸛置表于頸具論事勢浮之黃河沿流而下河陽守者得之達於東都越王侗見而嘆息於是承制拜君素爲金紫光祿大夫密遣行人勞苦之監門直閤龐玉武衛將軍皇甫無逸前後自東都歸義俱造城下爲陳利害唐又賜金券待以不死君素卒無降心其妻又至城下謂之曰隋室已亡天命有屬君何自苦身取禍敗君素曰天下事非婦人所知引弓射之應弦而倒時百姓苦隋日久及逢義舉人有息肩之望然君素善於統領下不能叛歲餘頗得外生口城中微知江都傾覆又糧食乏絕人不聊生男女相食衆心離駭白虹降于府門兵器之端夜皆光見月餘君素爲左右所害立其將王行本

唐高祖武德二年秋裴寂拒劉武周宋金剛至介休軍潰金剛攻晉州拔之執右驍衛將軍劉弘基進破滄州夏縣人呂崇茂殺其令自號魏王以應賊裴寂恒怯無將略惟趣民入堡焚其積聚民驚擾愁怨悉起爲盜寂討之爲所敗時王行本據蒲坂亦與武周相應關中震駭高祖欲棄大河以東謹守關西秦王世民諱曰太原王業所基國之根本河東殷實京邑所資若舉而棄之臣竊憤恨願假臣精兵三萬必平殄武周克復汾晉高祖乃發關中兵使世民擊武周世民引兵自龍門渡屯柏壁與金剛相持民間聞世

民來莫不歸附至者日多漸收其糧軍食以充大軍堅壁不戰賊勢日衰時永安王孝基與于筠獨孤懷思唐儉等攻夏縣呂崇茂崇茂求救于金剛金剛遣其將尉遲敬德尋相將兵奄至虜孝基等敬德等將還世民遣尚書殷開山等邀之於美良川大破之敬德復與尋相援王行本於蒲阪世民自將步騎三千從間道要擊又大破之敬德僅以身免悉俘其衆復歸柏壁諸將咸請與金剛戰世民曰金剛懸軍深入兵精將猛虜掠爲資利在速戰我閉營養銳以挫其鋒分兵汾隴衝其心腹彼糧盡計窮自當遁走當待此機未宜速戰三年春正月行本糧盡援絕乃出降斬之高祖幸蒲津關世民自柏壁輕騎謁行在金剛遂圍絳州世民還屯金剛引退屢戰屢敗追及于雀鼠谷一日八戰皆破之世民不食二日不解甲三日矣敬德尋相降武周金剛俱奔突厥

武德九年二月蒲州黃河清

太宗貞觀二十一年秋蒲諸州旱

二十三年八月癸酉朔河中地震晉州尤甚壓死五十餘人乙亥又震

高宗永徽元年河東旱蝗四月己巳朔河東地震己卯又震六月庚辰河東復震

二年十月晉州地震龍朔三年十月十六日絳州麟見詔改來年爲麟德元年

武后久視元年夏河東旱

睿宗景雲二年正月甲戌汾絳地地震壞廬舍壓死百餘人

明皇開元八年十二月隴州慶雲見

十二年秋七月至九月河中旱冬十一月榮光出於河帝祀后土太史奏榮光出河休氣四塞神風繞壇日揚其光

獲銅鼎古碑於榮河修后土祠壇掘地獲銅鼎十邑皆舊獲古碑長九寸有篆千秋萬歲及長樂未央字又赤兔見於壇是年曲沃旱

十五年五月晉州大水

二十七年七月蒲州慶雲見連理木生

傳信記天寶中上以三河道險漕運艱難乃傍北山鑿石爲月河以避湍急名曰天寶河歲省運夫五十萬又無覆溺淹滯之患天下稱之其河東西徑直長五里餘闊四五丈深三四丈皆鑿石匠人於石得古鐵鏈長三尺餘上有平陸二字皆篆文也上異之藏於內庫遂命改河北縣爲平陸縣

唐書喬琳傳有將鎮者測子也大曆中霖雨壞河中鹽池味苦惡韓泐判度支慮減常賦妄言池生瑞蓮王德之美祥代宗疑不然命鎮馳驛按視鎮內欲結泐故實其事表置祠池旁號池曰寶應靈應云

府志肅宗至德二年春正月郭子儀平河東初子儀以河東居兩京之間扼賊要衝得河東則兩京可圖時賊將崔乾祐自潼關退保蒲津會宋樂尉趙復河東司戶參軍韓旻司士徐景及宗室子鋒在城中謀爲內應子儀引兵趨河東韓旻等翻城迎官軍乾祐踰城走安邑安邑偽納之兵半入縣門發乾祐脫身走發城北兵拒官軍子儀擊之斬首四千級遂平河東寶應元年春二月絳州糧賜不充朔方行營都統李國貞屢以狀聞朝廷未報軍中怨否又以國貞

治軍嚴思郭子儀之寬突將王元振乘衆怒給曰具
斧鑕以待役事衆皆怨夜燒牙門左右奔告請避之
國貞曰被命爲將其可棄城乎固請乃逃獄中振引
衆劫取之置食其前曰食是而役其力可乎國貞曰
修宅則無之軍食則屢奏而未報吾何所負衆服其
言且引去元振曰都統不死吾曹殆矣遂害之并殺
其二子及三大將

絳州諸軍剽掠不已時太原軍殺河東節度鄧景山
朝廷憂絳州與太原亂軍合少年新將至輕不可用
遂以子儀爲朔方河中北廷路儀澤沁等州節度行
營兼興平定國副元帥進封汾陽郡王屯絳州時帝
已不豫羣臣莫有見者子儀請曰老臣受命將死子
外不見陛下且不暇帝引至臥內謂曰河東事一以
委卿子儀鳴咽流涕賜御馬銀器雜綵別賜絹布九
萬子儀至屯誅首惡王元振等數十人太原辛雲京
亦治害景山者諸鎮皆惕息

代宗廣德二年春正月僕固懷恩反以郭子儀爲河
中節度等使懷恩將士聞之皆曰吾輩從懷恩爲不
義何面目見汾陽王子儀至河中雲南子弟萬人成
河中將貪卒暴爲一府患子儀斬十四人杖三十八
人府中遂安

廣德九年晉州神山縣與盧觀枯榆復生
僕固瑒攻絳州使姚良據溫誘回紇陷河陽魚朝恩
遣李忠誠討瑒以霍文場監之王景岑討良王希遷
監之敗瑒於萬泉生擒良

六月郭子儀以安史昔據洛陽故諸道置節度使以
制其要衝今大盜已平而所在聚兵耗蠹百姓表請

罷之自河中爲始乃罷河中節度及耀德軍
吐蕃入寇郭子儀悉河中兵乘邊召王翊爲河中少
尹領節度後務悍將凌正數干法不遜約其徒夜斬
關逐翊翊覺之陰亂漏刻以差其期衆驚不敢發俄
擒正誅之一軍惕息

大曆四年郭子儀鎮邠州檄嚴鄧主留務河中士卒
不樂戍邠多逃還鄧取渠首尸之乃定
七年七月絳州芝草生十二月臨晉縣嘉禾生四莖
三穗

德宗建中二年霍山裂

興元元年三月李懷光奔河中懷光自以朱泚之亂
千里赴難爲盧杞所排咫尺不得見天子意殊快快
以李晟軍受盛惡之欲引軍襲之三令其衆衆不應
皆曰若欲反我曹有死不能從也懷光問計於賓佐
李景略勸其取長安殺朱泚軍騎詣行在問晏等勸
東保河中徐圖去就懷光乃說其衆曰今且往河中
俟春裝辦還攻長安未晚也東方諸縣皆富實聽爾
俘掠衆遂許之初李齊運爲河中尹李懷光入援晝
夜馳及河中士罷困乃休三日齊運悉所賦勞軍牛
酒豐甘人人喜悅及懷光反還守河中齊運棄城走
秋七月遣給事中孔巢父宣慰河中懷光素服待罪
巢父不之止又宣言於衆曰軍中誰可代太尉領軍
事者於是懷光左右發怒殺巢父懷光不之止復治
兵拒守八月詔馬燧爲河東保寧奉誠軍行營副元
帥與渾瑊駱元光韓游瓌唐朝臣合兵討之時賊黨
要廷珍守晉毛朝敬守臨鄭抗守慈慈移檄銅鞮晉
以州降因拜燧晉絳慈隰節度使燧固讓康日知且

言因降受節度恐後有功者踵以爲例帝嘉許籍府
庫兵仗以授日知日知大喜過望燧乃率步騎三萬
次於絳略定諸縣降其將馮萬興任象玉遂圍絳拔
外郭守將夜棄城去降四千人遣李自良定六縣降
其將辛統收卒五千裨將谷秀違令掠士女斬以徇
與賊戰寶鼎射殺賊將徐伯文斬首萬級獲馬五百
於時連年旱蝗物貨翔騰中朝臣多請有懷光者帝
未決李晟言救懷光有五不可今河中米斗五百芻
藥且罄人餓死牆壁間且大將殺戮後盡圍之旬時
力窮且潰願無養腹心疾爲後憂臣請選精兵五千
約十日糧可以破賊馬燧亦言懷光反覆不可信河
中近旬拾之屈威靈無以示天下乃捨軍入朝爲天
子自言之且得三十日糧足平河中許之乃與城元
光游瓌之兵合貞元元年八月賊將徐廷光守長春
宮城燧度長春不下則懷光固守久攻所傷必衆乃
挺身至城下見廷光廷光感泣一軍皆流涕即率衆
降燧以數騎入其城衆大呼曰吾等更爲王人矣進
營焦離堡堡將降餘戍望風遁去燧濟河兵八萬陣
城下河中軍士皆易其號爲太平字懷光不知所爲
乃縊而死賊將牛名俊斷其首出降猶萬六千誅其
黨閻晏孟寶張清吳瓘等他脅附悉赦之不問月河
中平

貞元三年十月丁丑夜蒲州地震
九年四月辛酉河中地震壞城壁廬舍地裂水湧
憲宗元和十二年六月大雨河中隰州水害稼
穆宗長慶四年絳州好畤害稼
文宗太和元年夏河中旱秋河東好畤害稼十一月

虞卿騶虞見
六年河中旱

開成元年夏河中蝗

武宗會昌四年八月龍見於榮河

懿宗咸通四年正月翼城地震壞廬舍壓死者甚多

五年冬陽州大雨雪

六年正月絳州大風拔木有十圍者

王重榮河中騎將也僖宗廣明元年冬黃巢入潼關分兵略蒲節度使李都不能支乃臣于賊內憚重榮表以自副地通京師賊調取橫數使者至百輩坐傳舍益發兵吏不堪命重榮有說都曰所以誑謀紆難以外援未至今賊衰責日急又收吾兵以困我則亡無日矣請絕橋嬰城自守不然變生何以制之都曰吾兵寡謀不足絕之禍且至願以節假公遂奔行在重榮乃悉驅出賊使斬之因大掠居人以悅其下天子使前京兆尹竇滔間道慰其軍重榮遂主留後賊使健將朱溫以舟師下馮翊黃鄭率眾自華陰合攻重榮重榮感勵士衆大戰敗之賊棄糧仗四十餘艘即拜檢校工部尚書爲節度使忠武監軍楊復光率陳蔡兵萬人屯武功重榮與連和擊賊將李詳于華州執之中和二年賊使尚讓來攻而朱溫將勁兵居前敗重榮兵於西關門於是出兵夏陽掠河中漕米數十艘重榮選兵三萬攻溫懼悉鑿舟沉于河遂舉同州降復光欲斬之重榮曰今招賊一切釋罪且溫武銳可用殺之不祥表爲同華節度使有詔即副河中行營招討賜名全忠惠喪二州怒其自將精兵數萬壁藍田重榮軍華陰復光軍渭北犄角攻之賊

大敗執其將趙璋集中流矢走重榮兵亦死耗相當懼巢復振憂之與復光計遣使者與李克用連和克用使陳景斯總兵自嵐石赴河中親率師從之遂平巢復京師以功封鄆郡王光啓元年中人田令孜怒重榮據鹽池之饒請一池領屬鹽鐵佐軍食重榮不聽令孜徙重榮充海節度使以王處存代之詔克用將兵援處存重榮上書劾令孜離間方鎮令孜遣鄆寧朱玖壁沙苑重榮詒克用書且言奉密詔須公到使我圖公此令孜朱全忠朱玫之惑上也因示僞詔克用方與全忠有隙信之請討全忠及攻帝數詔和解克用合河中兵戰沙苑攻大敗奔鄆州神策軍遣還京師遂大掠克用乘勝而西天子走鳳翔俄嗣襄王煊僭位重榮不受命與克用謀定王室楊復恭代令孜領神策故與克用善遣諫議大夫劉崇望齎詔諭天子意兩人聽命即獻練十萬願討攻自願崇望還羣臣皆賀重榮遂斬煊長安復平然性悍酷多殺戮常辱部將常行僞行僞怨之光啓三年引兵夜攻府重榮亡出外詰且殺之推立重盈重盈留長子洪領節度事入殺行僞軍復安昭宗乾寧二年重盈死軍中以兄重簡子珂出繼重榮故推爲留後洪與弟絳州刺史瑤爭河中上言珂本家君頭請選大臣鎮河中又與朱全忠書言之珂急乃遣使請婚於李克用克用薦之天子許嗣鎮然猶以崔引爲河中節度使洪復攜珂於王行瑜李茂良行瑜等約韓建共薦瑤詔曰吾已授珂矣重榮有大功不可廢行瑜怒使其弟行約攻珂克用遣李嗣昭援之敗瑤於猗氏獲其將李璿三鎮衛帝之却其請也連兵犯京師

謀廢帝誅執政而立吉王固請授瑤河中克用聞之怒以師討三鎮瑤瑤兵引去克用拔絳州斬瑤而屯渭北敗行約于朝邑行約走京師與李繼鵬作亂上如石門鎮克用遣使者奔問行在帝因詔克用以兵趨新平又詔涇州張鐸會克用軍以扼岐陽詔削行瑜官爵以克用爲鄆寧四面行營都招討使珂爲糧料使克用遣子存貞請天子還官詔以騎三千成三橋帝既還加珂檢校司空爲節度使克用以女妻之珂親迎太原以李嗣昭助守河中因破瑤瑤戰數北光化二年爲部將李璿所殺自爲留後詔代瑤節度又失衆凡五月爲牙將朱簡所殺其地入朱全忠表授節度使同中書門下平章事更名友謙始全忠擊楊行密不能克鳳翔裴青徐等道請已爲都統以討行密帝依違未報而珂與太原鎮定等道亦請加行密都統以討全忠由是兩罷之全忠怨珂不忘也帝爲劉季述所廢珂憤見言色屢陳討賊謀既反正首獻方物帝甚倚之而全忠以克用方強不敢加兵及王鎔誅服拔定州而克用兵折乃謂其將張存敬曰珂恃太原侮慢我爾持一繩縛之存敬以兵數萬渡河由含山襲絳州刺史陶建釗晉州刺史張漢瑜皆降以何緄成之進攻珂全忠率師繼進即劾珂交構克用爲方鎮生事不可赦珂乞師太原爲緄所進不能進珂潛具舟將遁夜諭守兵無肯爲用者乃執太原諸將并奉節印內存敬軍存敬解圍成以兵全忠自洛至全忠王出也始背賊事重榮約爲甥舅德其全已指日月曰我得志凡氏王者皆事之至是珂出迎握手泣下駢轡以入居旬日以存敬守河中

舉珂室徙于汴後令人觀道人賊之於華州自重榮傳珂凡二十年

傳宗乾符三年秋河中多鼠

五年秋曲沃翼城大雨滄水逆流害稼

六年河魚逆流

中和元年春霜秋河東旱霜殺稼

二年夏河東晝陰六十日

光啓元年臨州溫泉民葬而復生既葬且半月行人聞聲呼地下其家發之則復生歲餘死

七月河中草異解州末樂生草葉纏結如旌旗狀人以爲旗字草

十二月平陸雉異集津山有雉二首向背而連頸者棲集津倉後數月群雉數百來鬪殺之

二年七月中條山鵲焚其巢

文德元年春河陽節度使李罕之攻絳州降之進攻晉州河中王重盈密結河南尹張全義圖之全義潛師襲河陽罕之奔澤州專以寇鈔爲事懷孟晉絳間州無刺史縣無令長田無麥禾邑無煙火者殆將十年

昭宗太順元年夏四月以張溶爲招討制置使討李克用溶會諸道兵於晉州冬十月官軍出陰地關克用遣李存孝將兵五千營於趙城鎮國節度使韓建以壯士三百夜襲其營存孝設伏以待之建兵不利靖難鳳翔之兵不戰而走禁軍自潰河東兵乘勝逐北抵晉州西門張溶出戰又敗靖難鳳翔保大定難之軍先度河西歸潞獨有禁軍及宣武軍合萬人與韓建閉城拒守存孝攻晉州三日語其衆曰張溶宰

相俘之無益天子禁兵不宜加害退五十里而軍溶建乃得遁去存孝取晉絳二州大掠慈隴之境乾寧三年三月庚午河中地震

十二月晉絳地震壞廬舍地裂泉湧泥出青色八年正月丁未河中晉絳地震壞廬舍人有死者天復元年梁破河中執王珂取晉絳慈隴因大舉擊晉國太原晉李嗣昭日以精騎出擊梁兵會大雨梁軍解去晉汾州刺史李瑋叛降梁軍二年春嗣昭復取汾州斬瑋遂出陰地取慈州降其刺史唐禮又取隰州降其刺史張瓌是歲梁兵西犯京師圖鳳翔嗣昭乘間攻梁晉絳戰平陽執梁將一人氏叔琮選壯士二人深目而胡鬚者收馬襄陵道旁晉人以爲晉兵雖行道中伺其怠擒晉二人而歸晉人大驚以爲有伏兵乃退全忠遣友寧兵萬人會叔琮禦晉友寧欲休兵以待叔琮曰敵聞救至必走走則何功耶乃夜擊之晉人大敗退屯蒲縣梁朱友寧氏叔琮以兵十萬迎擊之嗣昭敗走友寧追之晉遣李存信率兵迎嗣昭存信又敗梁軍遂圍太原而慈隴汾州復入於梁太祖大恐謀走雲州李存信等勸太祖奔於契丹嗣昭力爭以爲不可賴劉太妃亦言之乃止嗣昭晝夜出奇兵擊梁軍解去周德威李嗣昭復取汾慈隴

梁徐懷玉敗晉兵於洪洞晉周德威攻晉州以應劉知俊楊師厚敗之於蒙院天祐元年春正月朱全忠引兵屯河中表請遷都上發長安夏四月至洛陽六月李茂貞王建李繼徽合兵討朱全忠全忠拒之河中

天祐九年梁朱友珪弒梁主晃使召朱友諒於河中友諒不行乃附於晉友珪遣招討使韓勅將康懷英等兵五萬擊友諒晉王出澤潞以救之遇懷英於解縣大敗之追至白運嶺夜乘炬擊之懷英又敗梁兵乃解去友諒會晉王於猗氏友諒醉寢晉王帳中晉王視之顧左右曰冀王雖甚貴然恨其臂短耳末帝即位友諒復臣於梁而亦附於晉

後唐明宗長興元年春潞王從珂爲河中節度與安重誨有隙重誨矯上命諭河中牙內指揮使楊彥溫使逐之從珂出城閱馬彥溫勸兵開門拒之從珂使人詰之對曰彥溫非敢負恩受樞密使宣讀爲入朝耳從珂止於虞鄉以聞上以問重誨對曰此奸人妄言耳宜速討之上疑之欲誘致彥溫訊其事重誨固請發兵擊之乃命西都留守索自通等將兵討之令必生致彥溫吾欲面訊之自通拔河中斬彥溫上甚怒自通召從珂還京師居之清化里第安重誨請加罪上曰朕昔爲小校家貧賴此小兒拾馬糞自贖今爲天子曾不能庇之耶以索自通鎮河中自通承重誨旨籍軍府甲仗數上之以爲從珂私造賴王德妃保護得免

後晉高祖天福元年晉州軍亂逐其守將高漢筠十二年後漢高祖發太原出晉絳絳州刺史李從郎拒命遣兵攻之未下親至城下諭之從郎乃降上命親將分護諸門士卒一人母得入

後漢隱帝乾祐元年春三月護國節度使李守貞以河中反高祖崩杜重威死守貞懼不自安以爲漢室新造隱帝初立天下易以圖而門下僧總倫以方術

陰干守貞爲言有非常之相守貞乃決計反而趙思綽先以京兆反遣人以赭黃衣遺守貞守貞大喜以爲天人皆應乃發兵西據潼關招誘草寇所在竊發漢遣白文珂王峻出軍擊之已而王景崇又以鳳翔反景崇與思綽遣人推守貞爲秦王守貞拜景崇等官爵又遣人間以蠟丸書遺吳蜀契丹使出兵以牽漢文珂等攻景崇思綽久無功隱帝乃遣樞密使郭威率禁兵將文珂等督攻之諸將皆請先擊思綽景崇威計未知所向行至華州節度使扈彥珂謂威曰三叛連衡以守貞爲主守貞先敗則思綽景崇可傳聲而破矣若捨近圖遠使守貞出兵於後思綽景崇拒戰於前則兵屈矣威以爲然遂先擊守貞諸將欲急攻城威曰守貞前朝宿將健鬪好施屢立戰功况城臨大河樓堞完固未易輕也不若且設長圍而守之乃與諸將分爲三柵柵其城三面而闕其南發五縣丁夫築長城以連三柵守貞出兵壞長城威輒補其所壞守貞輒出爭之守貞兵常失十三四如此逾年擒其將魏延朗王繼勳率其衆千餘人來降守貞城中兵無幾而食又盡殺人而食威曰可矣乃爲期日督兵四面攻而破之初守貞召總倫問以濟否總倫曰王當自有天下然分野方災俟殺人垂盡則王事濟矣守貞以爲然嘗會將吏大飲守貞指畫虎圖曰吾有天下者中其掌引弓一發中之將吏皆拜賀守貞益以自負及城破守貞與妻子自焚其後遣使收瘞河中死者遺骸時有棺已瘞二十萬矣

乾祐四年冬十月契丹遣蕭禹厥將奚契丹五萬會北漢兵伐周北漢主自將兵二萬攻晉州三面置寨

晝夜攻之王萬敢史彥超拒之周主以王峻爲行營都部署救晉州得以便宜從事別遣陳思讓康延詔自烏嶺出絳與峻會峻至陝州留不進十二月太祖遣使者翟守素馳至陝州諭峻欲親征峻屏左右謂守素曰晉州城堅不可近而劉晏兵銳亦未可當臣所以留此者非怯也蓋有待爾且陛下新即位四方藩鎮未有威德以加之豈宜輕舉而克州慕容彥超反迹已露若陛下出汜水則彥超入京師陛下何以待之守素馳還具道峻言是時太祖已下詔西幸聞峻語遽自提其耳曰幾敗吾事乃止不行峻軍出自絳州前鋒報過蒙阮峻喜謂其屬曰蒙阮晉絳之險也晏不分兵扼之使吾過此可知其必敗也北漢主攻晉州久不克軍乏食契丹思歸峻軍去晉州一舍北漢主聞周兵大至即解去諸軍皆欲追之峻猶豫不決明日遣騎兵追之不及而還是時周解驪率敢死士三十餘夜入契丹帳殺獲甚衆王彥超以騎兵追至霍邑北漢兵步騎墮崖谷死者甚衆周主命四路進兵略地太原鄭州刺史孫延進絳州刺史沈繼深通事舍人王睿等師出險地以李謙溥爲先鋒會霍邑謙溥因畫攻取之策繼深等共沮之延進不能用草還出白壁關次谷口謙溥語諸將曰王師深入敵境今既退軍彼必乘我諸君當備之諸將不答謙溥獨令所部擐甲俄追騎果至延進等倉皇走谷中獨謙溥麾兵拒之并人引退

謙溥權隔州事至郡亟命浚城隍嚴兵備凡八日并人果以數千騎來寇時盛暑謙溥單衣持扇從二小吏登城徐步按視戰具并人退舍後旬餘大發衝車攻城謙溥募敢死士得百餘人短兵堅甲銜枚夜絕出城會廷璋兵至合勢夾攻掩其不及并人大授悉衆遁去追北數十里

宋太祖建隆三年河中陽州春夏大旱

乾德元年六月絳州蝗

二年河中大旱自春至冬

三年河中府河漲壞軍營民舍數百區石臺百餘步開寶五年曲沃大水北漢劉繼元廣運五年也

七年解州夏旱

八年四月平陸驚獸傷人八月河中寶鼎不合穗

太宗太平興國六年河中府河漲

七年春就絳州旱

淳化二年曲沃旱

至道二年曲沃地震

真宗咸平九年七月蝗

大中祥符元年五龍躍於丹水

二年九月河決河中府白浮圖村

三年八月解州瑞鹽生鹽池紫泉場水二十許里不種自生其味特佳命屯田員外郎何敏中往祭池廟東池水自成鹽安邑東池生鹽僅半池潔白成塊晶瑩異常祀汾陰經度制置使陳堯叟繼獻凡四千七百斤分賜近臣及諸軍列校是年黃河清夏竦上清河頌

四年二月己未河中寶鼎縣漢泉有光如燭四五炬

其聲如雷月重輪八龍見榮光溢河

五年四月慈州饒鄉寧縣山生石脂如麪可爲餅餌

天禧元年二月河東蝗蝻生

仁宗明道二年七月庚辰河東蝗

慶曆三年十二月河東地震

至和二年春河東阻霜殺桑

嘉祐二年河東久旱

七年春夏河東大旱

神宗熙寧七年曲沃大旱六月平陸大水

十四年黃河清

哲宗紹聖四年絳州產瑞蓮一莖而雙蕾皆

徽宗建中靖國元年晉州地震

崇寧元年春正月河東地震

政和六年臨州水連理

宣和六年閏三月河東地震

七年秋七月河東地震裂數十丈倉庫皆沒

欽宗靖康元年平陽府叛卒導金兵入南北關粘沒

喝嘆曰關險如此而使我過之南朝無人矣

秋七月都統制張思正等與金人戰諸軍皆潰於是

汾晉澤絳民皆渡河南奔州縣皆空太原不守張思

正給云出戰遂率張源李宗奔慈陽於是人無固志

十一月遣聶昌如河東粘沒喝軍許盡割兩河地昌

言兩河之人忠勇萬一爲所執死不瞑目矣行至絳

絳人閉壁拒之昌持詔抵城下絕而登州鈴轄趙子

清庵衆害昌挾其目而脅之

金人再犯京師宋興師范致虛率諸軍由滑滬入援

郭忠孝曰金人深入而河東無守備願分兵走太行

扼其歸路彼必來戰城下之圍可緩致虛以爲然檄
河中守席益馮翊守唐重與忠孝同出河東爲率制
之舉大軍盡出函谷忠孝獨以蒲解軍三千至猗氏
遇金人破之踰絳州破太平砦斬首數百級攻平陽
入其郭會大軍失利滑通間乃引還

高宗建炎元年金婁室率師趨陝津攻河東郡縣之

未下者習古遷桑表被陝之散卒于平陸西北活女

別勝于平陸婁室破蒲解之軍二萬盡覆之安邑解

州皆降遂克河中府降絳慈隰石等州河中守臣席

益遁去郝仲連時權府事金將婁室以重兵壓城仲

連率衆力戰外援不至度不能守先自殺其家人城

陷不屈及其子皆遇害

十二月婁室至河中官軍扼河西岸不得渡乃自韓

城履冰過陷同華二州

二年夏五月金婁室自長安大掠而東時絳州猶固

守婁室還軍陷之

十一月金人寇晉寧軍三年二月城陷徐徽言死之

先是金人圖太原分兵絕饒道自隰石以北命令不

通者累月徽言以三十人渡河一戰破之還武經郎

知晉寧軍兼嵐石路沿邊安撫使欽宗割兩河以紓

禍同知樞密院事聶昌出河東爲金人所劫以便宜

割河西三州隸西夏晉寧軍民大恐曰棄麟府豐晉

寧豈能獨存徽言曰此使人矯詔耳三郡在河西設

有詔猶當執奏况無之耶遂率兵復取三州夏人所

置守長皆出降徽言慰遣之又并取嵐石等州敦戈

船卒乘羊皮渾脫亂流以掩敵金人益備克胡峒吳

堡津遣守領爲九州都統與晉寧對壘徽言出奇兵

樊逐之時河東郡縣淪沒遺民日復王師之至徽言
陰結汾晉士衆數十萬約復故地則奏官爲守長聽
世襲條其事以聞俟報可即身率精甲擣太原徑取
鴈門留兵戍守且曰定全晉則形勝爲我有中原當
指期克復奏上詔徽言聽王庶節制議遂格金人忌

徽言欲速拔晉寧以除患建炎二年冬自蒲津涉河

關之先是徽言移府州約折可求攻金及可求降金

金婁室挾至城下以招徽言徽言一發中之可求走

因出兵縱擊遂斬婁室之子當是時環河東皆已陷

獨晉寧屹然孤墉橫當強敵徽言堅壁持久撫摩疲

傷道沒人泗河召民之逃伏山谷者殘萬衆泝後西

渡與金人應河上大小數十戰所俘殺過當晉寧號

天下險徽言廣外城東壓河下塹深不測譙堞雄固

器械甚整命諸將畫隅分守敵至則自致死力以勁

兵往來爲游援金進攻數敗不得志圍之益急晉寧

俗不井飲膏汲於河金人載菱石湮壅支流城中水

乏絕儲侍浸罄鎗仗空敵人人惴憂如殞以無日徽

言能得衆心奮枵餓傷夷之餘哀折樂斷刃以死固

守既自度不支取砲機篋凡守具悉火之曰無以

遺敵一夕裨校李位石斌幫帛書飛箭上陰約婁室

啓外郭納金兵徽言與太原路兵馬都監孫昂決戰

門中所格殺甚衆退嬰牙城以守金人攻之不已徽

言置妻子室中積薪自焚金兵至挾徽言以去知不

可屈遂射殺之統制孫昂及士卒皆不屈被害

李彥仙爲石壕尉復陝州乘勢渡河列柵中條諸山

旁郡邑皆響應分遣部雲等下絳解諸邑吏行文書

請州印章彥仙曰吾以尉守此第用吾印事聞上謂

輔臣曰近知彥仙與金人戰再三獲捷朕喜而不寐

即命知陝州兼安撫使彥仙蒐軍實增陣潞澤益為

戰守備盡取家屬以來曰吾以家徇國與城俱存亡

聞者感服邵興在神機山以其衆來顧受節制彥仙

辟興統領河北忠義軍馬屯三門後賴其力建炎三

年婁室悉兵自蒲解大入彥仙伏兵中條山擊之金

兵大潰婁室僅以身免彥仙度金人必并力來攻即

遣人詣宣撫使張浚求三千騎俟金人攻陝即空城

渡河北趨晉絳并汾搆其心腹金人必自救乃由嵐

石西渡河道鄭延以歸沒貽書勸彥仙空城清野據

險保聚俟隙而動彥仙不從四年婁室陷陝州彥仙

投河死

建炎四年八月知就州郡邵興遣統制閻興及金人

戰於解州東屢破之

翟興授河東北路軍馬使徧檄山砦由是汾澤潞懷

衛開山砦首領皆應命復陽城縣乘勝取絳之垣曲

進至米糧川

紹興五年岳飛遣梁興等布德意招結南河豪傑山

砦韋銓孫謀等歛兵固堡以待王師李通胡清李寶

李興張思孫琪等舉衆來歸金人動息山川險要一

時皆得其實盡磁相開德澤潞晉絳汾隴之境皆期

日與兵與官軍會梁興會太行忠義及兩河豪傑趙

云李進董榮牛顯張峪等破金人於垣曲

金熙宗皇統三年曲沃秋沃蝗
海陵王正隆二年秋曲沃蝗
五年辛未河東地震
世祖大定三年秋榮河蝗

四年榮河旱

衛王大安元年河東地震

宣宗貞祐元年十二月元兵大掠平陽太原之間二

年絳縣瑞麥一莖穗有六七歧者

三年四月知平陽府事胥鼎建言利害十三事若積

軍儲備黃河選官獄獄簡將練卒鈔法版籍之類上

頗採用焉又言平陽歲再被兵人戶散亡樓櫓修繕

未完衣甲器械極少康廩無兩月食夏田已為兵蹂

復不雨秋種未下雖有復業殘民皆老幼莫能耕種

豈足徵求比聞北方劉伯林聚兵野狐嶺將深入平

陽絳解河中遂抵河南戰數有期儲積未備不速措

置實關社稷生靈大計七月就拜本路宣撫使兼前

職朝廷欲起代州戍兵五千鼎上言嶺外軍已皆南

徙代為邊要正宜益兵保守今更損其力一朝兵至

何以待之平陽以代為藩籬豈可撤去尚書省奏宜

如所請詔從之又言近聞朝廷令臣清野竊謂臣所

部乃河東南路太原則北路也大兵若來必始於北

故清野當先北而後南况北路禾稼早熟其野既清

兵無所掠則勢當自止不然南路雖清而穀草委積

於北是資兵而名之南也臣已移文北路宣撫使矣

乞更詔諭之四年正月元兵略霍吉陽三州已而步

騎六萬圍平陽急攻者十餘日鼎遣兵屢却之且上

言臣以便宜立官賞預張文榜招還脅從人七千有

奇績至者又六千餘俱令復業竊謂凡被俘未歸者
更宜多方招誘已歸者所居從便優加存恤無致失
所制可時河南粟麥不令與販渡河鼎上言曰河東
多山險平時地利不遺夏秋薦熟猶常藉陝西河南

通販物料况今累值兵戎農民流少且無雨雪闕食

為甚又解州兵屯數多糧儲僅及一月伏見陝州大

陽渡河中大慶渡皆邀阻粟麥不令過河臣恐軍民

不安或生內患伏望朝廷聽其輸販以紓解州之急

從之又言霍州同牛樓嶺諸隘戍卒幾四千今兵

既去而農事方興臣乞量留偵候餘悉遣歸有警復

徵既休民力且省縣官萬一兵來亦足禦遏舉一事

而獲二利臣敢以為請詔趣行之又言近偵知北兵

駐同耀竊慮梗吾東西往來之路遂委河中經略使

陀滿胡士門領軍赴援今兵勢將叩關矣前此臣嘗

奏聞北兵非止欲攻河東陝西必將進取河南雖已

移文陝州行院及陝西鄰境俱令設備恐未即遵行

乞詔河南行院統軍司議所以禦備之策上以示尚

書省宰臣奏兵已踰關惟宜嚴責所遣帥臣趨迎擊

之乃命鼎益兵渡河以掣其肘制可既而鼎聞大兵

已越關乃急上章曰臣已奉詔先遣潞州元帥左監

兵必蘭阿魯領軍一萬孟州經略使徒單百家領兵

五千由便道濟河以趨關陝臣將親率平陽精兵直

抵京師與王師相合又奏曰京師去平陽千五百餘

里倘俟朝廷之命方圖入援須三旬而後能至得無

失其機耶臣已身先士卒倍道兼行矣上嘉其意詔

樞府督軍應之初鼎以將軍兵赴援京師奏乞委知

平陽事王質權元帥左監軍同知府事完顏僧家奴

權右監軍以鎮守河東從之未幾鼎拜尚書左丞兼
樞密副使還守平陽是時元兵已過陝州自關以西
皆列營柵亘數十里鼎慮近薄京畿遂以河東南路
懷孟諸兵合萬五千由河中入援又遣遙授河中府

判官僕散掃吾出領軍趨陝西併力禦之且慮北兵扼河移檄絳解吉陽孟州經略司相與會兵以爲夾攻之勢已而北兵果由三門集津北渡還至平陽鼎遣兵拒戰不利乃去

從坦宗室于貞祐二年充宣差都提控安撫山西軍民應援中都上書曰絳解二州僅能城守而村落之民皆嘗被兵重以連歲不登人多艱食皆恃鹽布易米今大陽等渡乃不許粟麥過河願罷其禁官稅十三則公私皆濟矣又曰絳解河中必爭之地惟命實昌節度使從宜規畫鹽池之利以實二州則民受其利兵可以強矣又曰中條之南垣曲平陸芮城虞鄉河東之形勢陝洛之襟喉也可分陝州步騎萬二千人爲一提控四都統分戍四縣此萬全之策也又曰平陸產鉛鐵若以鹽易粟募工鍊冶可以廣財用備戎器小民備力爲食可以息盜

興定二年石州賊馮天羽爲亂詔國史院編修官馬季良往招之其黨安國用等詣季良降者五千餘人季良分其衆於絳霍間

十月都提控從坦上言太原已被行及平陽河東郡縣皆不守大抵屯兵少援兵不至故耳行省兵不滿六千平陽河東之根本河南之藩籬也乞併懷孟衛州之兵以實潞州調澤州沁水端氏高平諸兵並山爲營爲平陽聲援惟祈聖斷以救倒懸之急是月壬子元木華黎攻平陽行省參政李華守平陽或謂華宜上馬突圍出革曰吾不能保此何面目見天子遂自殺提控郭用戰於城北濠垣被執不屈而死癸丑城破從坦自殺

三年金復取平陽同知平陽府事胡天作言汾潞皆置帥府平陽大鎮今稍完復所管州縣不下十萬戶復業者相繼不絕其過汾潞遠甚宜一體置之是時晉安嵐州皆有帥府乃以天作充便宜招撫使權元帥左都監四年封平陽公以平陽晉安府臨吉隸焉天作請以晉安府之翼城縣爲翼州以垣曲絳縣隸焉置平水縣於汾河之西朝廷皆從之初軒成本隸程瑒麾下瑒死成率衆保隰州以爲同知隰州軍州事兼提控軍馬成增繕器甲招納亡命頗有他志是時隰州方用兵未可制天作請增置要害州縣以分其勢隰州之境蒲縣最居其衝可改爲州隰州之件城鎮可改爲縣選官守備詔升蒲縣爲蒲州以大寧縣隸之件城鎮爲件城縣天作守平陽凡四年屢有功

金史楊伯雄傳伯雄改平陽尹先是張浩治平陽有惠政及伯雄爲尹百姓稱之曰前有張後有楊

木華黎克吉陽等州進攻絳州拔其城屠之時論欲徙聞喜民實天成劉伯林以北地喪亂人艱於食力爭而止之

四年十月元兵至霍州刺史移刺阿里合被執誘使降阿里合曰吾有死無二叱之跪但向闕而立於是叢矢射殺之寶昌軍節度副使孔祖湯不屈死霍邑人賈邦憲自刎

五年五月完顏賽不奉詔引兵救河東戰屢捷復晉安平陽二城監察御史言其不能檢束士衆縱之撓略請正其罪上以有功詔勿問

冬金復取隰州以軒成爲經略使元兵於是由丹州

渡河圍隰克之留合丑統蒙古軍鎮石隈間

元光元年五月完顏合達上言頃河中安撫司報北將按察兒率兵入隰吉翼州遠及榮解之境今時已暑猶無回意蓋將蹂吾不麥倘如此則河東之土非吾有也又河南陝西調度仰給解鹽今正澆鹽之時而敵擾之將失其利乞速濟師臣已擬分兵二萬與平陽上黨晉陽三公府兵同力禦之竊見河中榮解司縣官與軍民多不相諳守禦之間或失事機乞從舊法凡司縣官使兼軍民庶幾上下相得易以集事又言鹽利今方敵兵迫境不厚以分人孰肯冒險而取之若自輸運者十與其八則人爭赴以濟國用從之

十月元木華黎入霍邑山堡遷其人於趙城薄青龍堡詔遣古里甲石倫會張開郭文振兵救之次彈平塞東三十里不得進知府事木虎忽失來總領提控王和各以兵降元臨城索其妻子兵民皆潰執胡天作出天作降元木華黎所過州縣皆下時金于牛心寨僑治吉州事木華黎自隰州攻之知州楊貞令妻孥先墜崖已從之皆死木華黎至絳州拔榮州胡瓶堡所至望風歸附河中久爲金有至是復來歸木華黎召石天應謂曰蒲爲河東要害我擇守者非君不可乃以天應權河東南北路陝右關西行臺平陽李守忠太原伯哈剌拔都陽州田雄並受節制命天應造浮梁以濟歸師

侯小叔河東縣人爲河津水手元光元年遷河中府判官權河東南路安撫副使小叔盡護農民入城以家財賞戰士河中圍解遷治中安撫如故樞密院奏

小叔才能可用權位輕不足以威衆乞假符節十二月詔權元帥左都監便宜從事提控吳德說小叔出降叱出斬之表兄張先從容言大兵勢重可出降以保妻子小叔怒謂先曰我舟人子致身至此何謂出降縛先於柱而殺之飯僧祭葬以盡威黨之禮項之樞密院遣都監訛諭與小叔議兵事小叔出城與訛諭會元石天應乘之取河中府作浮橋通陝西小叔駐樂李山寨衆兵畢會夜半坎城以登焚樓櫓火照城中天應大驚不知所爲盡棄輜重印馬牛雜畜死於雙市門小叔燒絕浮橋撫定其衆遷昭毅大將軍遙授孟州防禦使同知府事監軍安撫如故二年正月元軍騎十萬圍河中總帥訛可遣提控孫昌率兵五千樞密副使完顏塞不遣李仁智率兵三千俱救河中小叔期以夜中鳴鉦內外相應及期小叔出兵戰昌仁智不敢動小叔斂衆入城圍益急衆議出保山寨小叔曰去何之密道經歷官張思祖潰圍出奔告於汴京明日城破小叔死

初宣宗議遷都朝臣謂可遷河中河中背負關陝五路士馬全盛南阻大河可建行臺以爲右翼前有絳陽平陽太原三天鎮敵兵不敢輕入應三鎮郡縣之民皆聚之三寨敵至則爲晝夜劫之計屯重軍中條則行在有萬全之固矣主議者以河中在河朔又無宮室不及汴梁議遂寢宣宗既還河南三二年之後詔元帥都監內族阿祿帶行帥府事阿祿帶恒怯不能軍竭民膏血爲沒築之計未幾絳州破阿祿帶益懼馳奏河中孤城不可守有旨親視果不可守則棄之無至資敵阿祿帶遂棄河中燒民戶官府一二

日而盡尋有言河中重鎮國家基本所在棄之爲失策設爲敵人所據則大河之險我不得專恃矣宣宗悔悟繫阿祿帶同州獄累命完復之終不能成故隨守隨破

二年春木華黎師還蒲津浮梁未成願諸將曰橋未畢工安可坐待乎復攻下河西堡寨十餘三月渡河還聞喜縣疾篤召其弟帶孫曰我爲國家助成大業擐甲執銳垂四十年東征西討無復遺恨第恨汴京未下耳汝其勉之言訖而卒

夏四月元達兒解按察兒攻河東張開遣馮顯扼龍潛谷夾攻敗之擒元帥韓光國獲輜重甲仗甚衆追至祁縣而還所歷州縣悉復之七月遣兵守衛解鹽池

哀宗正大三年八月金移刺蒲阿復曲沃及晉安四年二月金蒲阿牙吾塔復平陽執知府李七斤獲馬八千

四月金紇石烈真襲擊元招討使權國王按察兒於洪洞李守忠出援之會於高梁師潰入城元平陽副帥夾谷常德潛獻東門以納金兵城遂陷執守忠至汴守忠語惡置鐵籠中火炙死守忠兄伯溫鎮青龍堡知平陽已陷弟守忠被執還驍勇拒守久之金人盡銳來攻守卒夜多遁去李成開水門導金兵入伯溫以刃植柱刺心而死子守正後爲平陽守活俘虜甚衆

五月以銀贖平陽虜獲男女分賜官軍者聽自便八年九月元主自將攻河中河中告急金合打蒲阿遣王敢率步兵一萬救之十二月河中破初金河中

守將草火訛可板子訛可懼軍力不足截故城之半守之元兵築樓高二百尺下瞰城中土地穴百道並進至十一月攻愈急自王敢兵至軍士殊死鬪日夜不休西北樓櫓俱盡白戰又半月力盡城陷草火訛可戰數十合始被擒尋殺之板子訛可提敗卒三千奪船走北兵追及鼓譟北岸上矢石如雨至潼關遂入閿鄉尋有詔赦將佐以下責板子訛可以不能死車載入陝州決杖二百

元世祖至元八年曲沃蝗二十六年夏曲沃雨雹二十八年八月平陽地震壞民居萬有八百二十六區壓死甚衆

成宗大德七年秋七月地大震山西等處民居官舍多圯地裂成渠人民壓死者不可勝紀而夏縣尤甚一時官署及溫公書院俱傾止存一大成殿

趙城郛堡山移邑人李忠與弟恕皆幼孤天性至孝事母朱氏克供子職大德七年地大震郛堡山移所過居民廬舍皆摧壓傾圮將近忠家分爲兩行五十餘步復合忠家獨完至今山頭猶是兩峰九年四月平陽地震改平陽爲晉寧路

武宗至大元年蒲縣地震

仁宗延祐三年武宗之子周王和世疎出鎮雲南次延安其臣秃忽魯武宗舊臣釐日敦化等謀曰天下者我武宗之天下也王之出鎮本非上旨由議構使然請聞之朝廷庶可杜塞離間遂與陝西丞相阿思罕平章塔察兒西臺大夫脫里伯中丞脫歡發關中兵分道自潼關河中府入知河中府劉天孚視事始

兩月事起不虞遂魯花赤朵兒只趨晉寧告亂天乎日夜修戰守具選丁壯分守要害令河東縣達魯花赤脫因都守大慶關津口盡收船舫東岸令判官孫伯帖木兒守汾陰推官程謙守禹門河東縣尹王文義守風陵等渡阿思罕軍列柵河西岸使來索舟天乎度不能拒凡八遣人至晉寧乞援兵不報居七日阿思罕縛筏河上欲縱火屠城同知府事鐵哥與河東廉訪副使明安答見事急且思城中人偏乃詣阿思罕軍阿思罕囚之而斂船濟兵兵既入城阿思罕以扼河渡鎖舟楫為天乎罪欲脅使附己方坐府治號令諸軍天乎投水死已而塔察兒脫歡背約襲殺阿思罕教化於河中周王遂居漠北

泰定帝泰定三年秋蒙河蝗

四年蒙河旱

文宗天曆元年文宗興帝位上都立泰定帝之子為帝諸王血刺台等兵南向使者頒詔至陝西省臣臺臣執之送上都九月於陽州之烏門關吉州之馬頭泰王嶺二關靈石縣之陰地關皆令穿墾置石以為固諸丁壯守之

陝西兵入河中府劫行用庫鈔萬八千錠殺同知府事不倫禿

陝西行臺也先帖木兒引兵從大慶關渡河擒河中府官殺之

順帝至正七年四月河東大旱民多餓死

十年曲沃大饑

冬十月兩日相闕黑光摩盪

十一年洪洞長至日雷雹大雨雪

十二年冬十月霍山崩前三日有聲如雷阻石數里鳥獸驚散

順帝至正十六年賊西陷陝州斷殺函勢欲趨秦晉知樞密事答失八都魯方節制河南軍調察罕帖木兒與李思齊往攻之察罕帖木兒即鼓行而西夜拔殺陵拔靈寶賊即渡河陷平陸掠安邑蹂躪南鄙察罕追襲之蹙之以鐵騎賊回扼下陽津赴水死者甚眾相持數月賊勢窮皆遁潰

十八年霍州兵變燒毀民舍

三月癸卯賊王士誠由絳州垣曲襲晉寧路城陷總管杜養因不花死之甲辰察罕遣賽因赤等復晉寧路是時賊方分道踰太行焚上黨掠晉冀陷雲中馬門代郡烽火數千里且南還察罕先遣兵伏南山阻隘而自勒重兵屯開喜絳陽賊果走南山縱伏兵橫擊之賊皆棄輜重走山谷其得南還者無幾二十八

年二月擴廓帖木兒退守平陽擴廓乃察罕之甥自幼養以為子山西晉冀之地皆察罕所定而答失八都魯之子曰李羅帖木兒兵駐大同因欲並據晉冀遂至兵爭天子屢下詔和解之終不聽察罕既沒擴廓與字羅相持不可解字羅伏誅擴廓從太子還京太子欲脅帝禪位擴廓知其意將至京即散遣其軍太子銜之二十七年八月帝命太子親出總天下兵馬分命擴廓以其兵肅清江淮擴廓不受詔於是高關保等皆叛關保自察罕起兵以來即為將勇冠諸將高善論兵尤為察罕所信任至是皆叛之詔削奪擴廓爵邑令諸軍共誅之擴廓退守平陽七月高關保進攻平陽勢甚振數請戰擴廓不應或師

出即退一日諜知高善論分軍掠祁縣即夜出師薄其營掩擊之大敗其眾關保高善論皆被擒詔關保高善論謀構兵可依軍法處治皆殺之是時明兵已定山東河洛間七月詔擴廓仍前河南王以兵南討擴廓自平陽退守太原不復敢南向元軍事已不可為矣十九年五月河東蝗門外羣飛蔽天人馬不能行所落溝壑盡平歲大饑

冬十月白虹貫日

二十一年冬十一月黃河清自戊辰至甲申凡七日解州平陸縣三門下黃河清至孟津九百餘里

二十七年正月己未夜天鼓鳴聲如戰鬪

欽定古今圖書集成方輿彙編職方典

第三百三十卷目錄

平陽府部紀事三

平陽府部雜錄

平陽府部外編

職方典第三百三十卷

平陽府部紀事三

府志明太祖洪武元年十二月大將軍徐達副將軍

常遇春克太原遣傳友德薛顯平石州絳霍猗氏平

陽等處皆平

十三年秋九月靈芝生平陽府治中

十八年垣曲大水壞城垣

成祖末樂二年二月二十九日蒲州河津縣黃河清

至次年正月十八日復故色

宣宗宣德八年曲沃旱

英宗正統六年大饑

英宗天順八年六月望河津白氣騰空

憲宗成化元年霍州東山鷄掌門妖蛛與龍鬬山水

衝沒田產樹木二月彗星見在西北長三丈餘三閱

月乃沒

十九年饑

二十年秋不雨次年六月始雨饑孽盈野人相食諸府州縣皆然

二十一年正月地震洪洞趙城震者三蒲州大震壞廬舍五十日而後止是年大饑人相食

太平縣蝗羣飛蔽天禾穗樹葉食之殆盡民悉轉壑

是年垣曲民流亡大半嘯聚山林朝廷命撫臣賑之

二十二年開喜芝草生文廟柱次年復生

秋無禾萬泉人相食

八月望吉州大雨雪深三四尺

二十三年夏趙城大有年開喜黎龍池水溢鱗甲大

如桐葉水有血痕

孝宗弘治二年蒲州大有年斗米錢二十文

七年曲沃大旱

八年秋曲沃大旱

十年臨晉旱

十四年正月朔蒲州地震有聲如雷形勢閃蕩如舟

在浪中官民牆屋傾頽壓死人畜甚多

武宗正德六年趙城鷄二鼓鳴是年流賊劉六劉七

等作亂分賊將楊虎自東島嶺來攻翼城不克犯洪

洞趙城霍州歷太谷破祁縣遼州二地所過殘殺

夏六月趙城大水波濤洶湧城不浸者三版

七年霍州黑雷見

八年榮河蝗垣曲黃河清凡七日魚鼈皆見形

冬十一月平陸黃河堅冰

十年夏四月猗氏瑞麥生

十一年夏四月萬泉雨雹大如鷄子

秋八月萬泉雨雪

十四年己卯春三月平陽書晦對面不見人秋永和

女三十餘口禾稼盡傷

太平大有年秋禾有一本三穗者三之二稷山祠賊

犯境

世宗嘉靖元年霍州汾西大有年

二年洪洞黑雷見夜為祟人多被傷流黃水一月始

息汾西大荒

五年萬泉大水

六年春萬泉地震

七年春正月霍州大雷電秋大旱蝗

八年春正月朔太平雨黃沙六月蝗各州縣蔽天匪

地食民田將盡自相食民大饑

翼城平陸大雨四十餘日傷禾

萬泉稷山開喜夏縣無禾民食樹皮殆盡

九年秋趙城大有年垣曲大雨山水圯城西南

曲沃萬泉開喜榮河稷山大饑羣寇大起擄掠攻城

十年蒲縣大荒

十一年平陽州縣大旱民多流亡

十二年夏稷山萬泉開喜大有年吉州翼城猗氏旱

八月末和霜殺稼翼城桃李花冬十月星隕如雨有

光天為赤色散落四方

十三年垣曲龍見未幾黃河溢三日水入城門衝沒

人畜田產不可勝紀大饑各州縣流亡載道人相食

冬十月星隕如雨

十四年汾西霍州大有年

十五年太平雨雹平地盈尺麥傷民饑

六月臨晉大水垣曲龍見是月二十九日龍見於堡頭村首尾貫於兩樹橫逆七十餘步頃之徐入澗水

七月七日大雨如注平地橫流河泛漲圯城署漂溺人畜田產甚衆

汾西霍州大有年

十六年六月臨汾蝗臨晉雨雹如雞子大三十餘里平陸大雨溺店頭村

十八年六月翼城大雨雹北鄉尤甚鄉民買文進爲雷擊死翌日得屍於潦水中有爪痕數孔里人稱其不幸

秋九月洪洞雨雪大雪三日平地深數尺化水成河一夕大風盡合成冰至春始消

冬十月蒲縣星隕如雨是年大祲

十九年靈石蝗

二十一年夏五月吉州大水漂沒城郭民舍殆半

二十二年襄陵汾水泛漲

二十三年靈石汾河水溢城垣俱傾

二十四年夏四月十一日午時平陽卿雲五色見日邊長二丈許廣二三尺良久方散

二十八年春三月猗氏二郎坡民家猪產子二頭八足少頃而死是年五六月境內猪死殆盡

二十九年秋平陸大旱風霾蔽日

三十四年榮河黃河泛溢至城漂沒禾稼

十二月地震各州縣同日地震有聲如雷蒲州爲甚

地裂水湧城垣屋舍殆盡人民壓溺死者不可勝紀

三十五年六月蒲解州縣黑書見時有黑氣其疾如

風每夜張燈持刃擊金鼓以防之說者爲地震壓死

強魂理或然也

中條山麓介谷夜半山鳴如雷

秋岳陽地震有聲如雷

霍州大有年

三十六年霍州汾西大稔冬平陸黃河自底柱至潼關冰凝數月不解

三十七年平陸旱

霍州汾西大有年

三十八年蒲州黃河泛溢衝沒田廬

四十年夏六月吉州地震屋瓦皆有聲

趙城洪洞靈石永和太歲冬平陸無雪

四十一年平陸旱春夏無麥流移載道

四十二年夏四月平陸淫雨連綿四月餘閭閻皆溺

四十四年太平旱

四十五年秋洪洞趙城大雨雨其色如墨日夜方止

禾稼泡爛次年大饑

穆宗隆慶元年夏四月稷山黑書見五月臨汾大雨

雹如柿餅大厚半尺曲沃旱絳州天裂榮河聞喜稷山大祲

二年臨汾太平岳陽蒲縣大旱萬泉無禾曲沃饑

三年吉州大饑死者枕藉於道

四年夏臨晉安邑夏縣大水波濤如雷傾壞官民廬舍甚多秋榮河河漲入城漂沒禾稼人畜蒲州黃河泛漲

五年臨晉獲桑泉古印

正德五年流賊突犯翼城前哨至蒙城距運城百餘里居人洶洶時承平日久城垣傾圯無守禦之具鹽院胡倉卒集民丁萬餘晝夜修築五日城完賊亦引

去後獲奸細黃狗子知賊首齊彥明等欲劫運城聞城中已有備賊乃散

六年夏五月山東流賊楊虎等作亂入山西界攻翼城不能克掠北關而去其前哨三人至洪洞城南有邊商者射之斃一人其二人遂退明日賊衆至距城半里許徑北去疑城中爲之備也破趙城攻霍州不能克至靈石官民棄城潰散賊肆焚掠滿城盡爲灰燼

嘉靖十一年秋七月賊三十七騎至靈石縣北各村搶掠人畜甚衆

十二年翼城白蓮妖人周朝董夷等自稱彌勒佛以幻術煽惑愚民八月謀爲亂夜率其黨數百人燒毀縣署比曉就擒盡殲之

四十一年靈石東山強賊楊甫因年荒聚衆劫掠設楊千戶居民大被其害年餘始平秋平陸大雨雹蒲縣雨雹

神宗萬曆元年絳州天裂臨晉大水深數丈浸及王官谷漂溺祠寺時謂二龍相戲

三年六月靈石大雨

四年夏岳陽大風折木

六年秋七月岳陽限霜傷禾稼冬趙城大雨雪人畜凍死者甚衆樹木死者大半

七年榮河隕石於西頭村形圓色黑六月岳陽旱稷山永和荒

八年秋八月岳陽地震有聲蒲州黃河泛漲九月臨晉猗氏限霜殺稼

九年永和饑

十年聞喜大旱疫秋七月趙城汾水溢晉城西隅
十一年太平大雨雹霍州蝗秋吉州雹傷禾
十三年大旱

十四年大旱荒赤地千里餓草盈野瘟疫盛行死者
枕藉夏縣水決北堤漂沒居民無數猗氏雨沙
十五年荒自十三年至十六年各州縣民死者無算
朝廷發帑賑之

臨晉猗氏飛蝗蔽日九月猗氏地震汾西禾登
十六年夏臨晉平陸榮河稷山禾登時民疫死甚衆
二麥雖登至無人收刈饑民偶獲飽食死者復十之
三四秋七月絳縣大蝗飛蔽天日食稼殆盡趙城大
雨衝沒廬舍城牆垣八月絳縣鄉寧大雪絳縣安邑
大有年

十七年榮河狼災食人無算夜踰城傷人安邑大旱
蝗解州稷山大有年

十八年夏臨汾旱解州安邑大旱蝗萬泉猗氏大水
十九年安邑田間及道路多生小蝦蟆行者無駐足
之處夏縣饑饉先旱後潦大荒

二十年春二月臨晉榮河猗氏大雨雪深三尺不害
麥人以爲瑞

二十一年秋七月榮河大雨雹大如鷄卵內有蝸殼
草木之物自午至申大樹摧折無數禾稼盡壓地爲
之赤八月洪洞大雨雹大如鷄卵或如拳約二尺餘
殺城東六村秋禾殆盡冬榮河桃李花臨汾烈風雷
雨時立冬後

二十二年夏四月平陽火焚東南城樓五月又火焚
大教場及堯廟光天關襄陵火瑞儒學啓聖祠夜四

更有火光自簷下出週繞祠宇忽有聲如雷其光自
敬一亭流入尊經閣前楊樹內光芒上灼約丈許黎
明方已次日官民來視祠宇樹葉依然無損人以爲
文明之象

趙城大有年安邑蜩蟬如前蝦蟆之多

二十三年夏趙城大雨雹傷禾臨晉水旱并爲災
二十四年夏臨汾大旱六月絳縣流星見大雨雹是
月二十日夜赤星如斗自西南飛流東北次日雨雹
其大如卵或如杵積三尺餘傷人無數北流里尤甚

二十五年春正月平陸大雨雹越明日大雨雪夏六
月日食復圓暉暉秋八月太平蒲州臨晉榮河猗氏
解州安邑聞喜池塘之水無故潮溢其臨晉村社池
水泛溢橫流幾數丈踰時方止

二十六年垣曲大雨雹平地水深五尺漂沒房屋不
可勝紀圮城垣民有溺死者稷山無禾曲沃絳縣大
饑

二十七年春臨汾襄陵太平靈石蒲州汾西大旱饑
山川草木無有寸遺母子夫妻有相抱立斃者夏榮
河大水東鄉村落盡被衝沒平陸大雨雹禾稼殆盡
二十八年春臨汾大雨雪秋八月臨汾絳州池水溢
解州蒲縣大饑冬十一月解州安邑生鹽粒且大撈
採甚多公私大獲利

二十九年秋七月榮河水溢汾西大饑

三十年汾西大有年六月絳州大水平地丈餘

三十二年夏六月萬泉夏縣雨雹大如雞子廣袤十
里積如塚形傷禾絳州大水地裂辛安諸村雷雨異
常水深數尺忽地裂水注之水盡復合又諸裂外隔

而中通有穀麥陷於此裂者或漂出於他裂人墮中
者出如麥

三十三年夏解州無禾絳州雨雹大如拳霍州雨雹
傷禾稷襄陵大水汾河泛溢異常一時灘地盡陷船
壞溺死者殆以百數八月臨汾隕霜殺禾稼

三十四年春聞喜雨沙其色黃夏臨汾猗氏解州夏
縣平陸無禾五月星晝見六月翼城大水漂沒居民
榮河河岸崩秋霍州大風三晝夜近山穀熟大半頽
落於地

三十五年夏臨汾夏縣平陸等旱民饑五月稷山雨
雹傷人大如拳人多斃在白池大陽二村秋八月雪
星見於西南九月平陽東南天開光芒閃灼

三十四州縣大有年

三十六年夏縣饑

三十七年三十四州縣大旱

三十八年三十四州縣大旱

三十九年夏三十四州縣旱獨免秋夏稅

四十一年春三月稷山甘泉村桃李杏花開著薇花黃
白二色夏絳州大水漂沒房地人死者甚衆秋臨汾
襄陵洪洞曲沃趙城太平夏縣垣曲吉州隰州鄉寧
大水俱議賑濟蒲州臨晉猗氏榮河萬泉安邑平陸
蒲縣大旱俱議賑濟

四十二年九月地震岳陽大水

四十三年夏四月安邑大雨雹傷禾

四十四年夏六月臨汾蒲州解州安邑聞喜絳州稷
山臨晉猗氏萬泉芮城垣曲早飛蝗蔽天復生蟪蛄
稼立盡霍州有年

四十五年隰州春夏大旱秋蝗七月岳陽蒲州萬泉絳州稷山解州聞喜安邑蝗頭翅盡赤蔽天翳日河津無禾夏旱秋湧人相食霍州有年冬芮城木冰一名樹甲數日不解

四十六年夏四月夏縣大雨雹傷麥永安邑聞喜有

年秋安邑大疫死區相繼冬白氣經天彗星見出於東南直冲紫微垣曲沃蒲州蝗

四十八年夏縣蝗蝻

光宗泰昌元年冬蒲州大雨雪數日河冰車馬可渡

熹宗天啓元年安邑有年

二年秋七月河津黃河清

三年叛兵八十餘人突出岳陽劫掠北鄉又掠霍州

四年春岳陽大水

五年夏河津星晝見秋蒲州芮城安邑垣曲靈雨四十餘日損屋害稼一望巨津魚產盈尺汾西大饑冬

永和大雪連綿一十三日深丈餘

六年夏五月聞喜大風

愍帝崇禎元年王家引等始於河曲保德延及隰州

二年陝西賊至隰州瓦窰舖住經宿次日南行是時

僅搶奪頭畜未敢攻城殺人臨汾東西山盜起河西

一帶殺擄無虛日時郡城無兵衛指揮王章率武生

快壯衛軍征勦不克臨汾令周文斗守禦甚嚴盜不

能犯賊號番山鶴者東掠喬村鎮由岳陽至沁源

三年四月陝西賊王家任破蒲縣生員曹爾奇拒之

陷于賊五月陝西賊扒山虎領賊五百餘人被永和

殺官兵李如柏等賊王家任偏蒲州守道焦源薄簡

鄉勇五百人前後十餘戰斬賊首五閭王九條龍賊

古

憚之不敢窺蒲秦賊犯河津縣樊村樓里等鎮秦賊自鄆都谷出焚掠太平各鄉直薄城下知縣魏公韓親操火器禦之創建磚城始此十一月賊李典仁八十餘人假作香客自濟源至垣曲典史馬鳴陞率鄉勇普衛等禦之于村東澗河普衛死之

四年五月陝西賊王家任賊眾萬餘自北來掠靈石各村烟火幾絕王家任迫郡城參將李淮出戰失利

巡道呂遜嚴兵拒守巡撫宋統殷督兵臨城下賊走

翼城總兵曹文詔斬王家任回至垣曲縣阜落教子

嶺與御陵僧兵相遇彼此疑為賊互戰久之乃解流

賊點燈子自陝西渡河人馬無數總兵曹文詔襲其

後一戰於金定支村再戰於百家原復戰於明山斬

點燈子餘黨潰散賊掠絳縣七月賊自陽城至垣曲

縣北山退敗等莊知縣段自弘拒之為賊所敗十一

月陝西賊趙四兒渡禹門冷橋掠河津臨晉萬泉荷

氏等處焚殺無數

五年流寇盤踞岳陽山中者三年各鄉殺掠幾盡七

月聞賊李自成八大王老回回紫金梁翻山鶴等寇

掠蒲縣攻城三晝夜不克是夜賊令精銳三百人襲

大寧三更城陷八月自大寧襲隰州守備高逸開北

門逃去知州楊偉臣守射傷賊甚多矢盡墜東城下

賊住城中三日燒州署民房民死者以萬計城內幾

空賊據平陸東山十二月賊紫金梁老回回蝎子快

等數十萬衆自陽城至垣曲據晉城劉村燈坂陳王

二十餘村劉村省祭官周得英率鄉勇把守北山隘

口為賊所執不屈而死陳村生員趙一脈死之脈父

趙知已全家被害賊掃地王一斗殺混天王自絳縣

來據劉張阜落二十餘村陽和總兵尤世祿兵至斬賊三百餘級賊潰東走賊據霍州東山賊紫金梁等掠浮山

六年正月賊掠垣曲縣趙家陵望仙莊等村義兵郭

可充郭立澤等死之二月賊掠垣曲縣南山胡家峪

村典史秦宗文率鄉勇劉俊民等追之聞喜縣石峽

斬賊二十一級賊給官兵入谷口夜半賊自後截殺

矢石如雨宗文俊民等死之賊萬餘自絳縣經垣曲

縣北邢馬南羊等處焚掠西北二關而去三月賊五

千餘自平陸至垣曲掠王家嶺一帶守道葉廷柱檄

都司蔣守備閻振國領兵擊之斬賊一百三十餘級

賊敗走四月賊數萬屯垣曲普塚等村參將戚斬賊

數十餘級賊驚走七月賊數十餘萬自濟源至垣曲

自城以外皆為賊所據殺掠更慘石家村生員石鳴

珂被執不屈死之賊攻城七晝夜知縣段自弘同紳

稔固守總兵曹文詔統大兵至阜落鎮殺賊五十餘

級圍始得解十一月賊數十萬又自濟源至垣曲適

黃河水凍賊遂南渡月餘方盡賊二郎神顯道神等

焚掠郡西州縣總兵曹督兵征勦參將虎大威率主

兵駐郡城參將賀人龍率客兵駐東關宗紳士庶挨

戶助糧嗣賀兵隨總督陳奇瑜征秦豫虎大威力戰

破賊遂解汾西之圍二郎神等被官兵所殺賊八大

王張獻忠老回回等衆數十萬掠靈石蒲縣土賊張

喜春豐二豐三等盤踞東川一帶百有餘里虎大威

勦之不能克兩年後始就招安
六年春芮城絳州饑斗米銀六錢夏蒲州無麥秋隰汾太平蒲縣臨晉安邑隰州汾西蒲州永和

曲大疫道殣相望

七年夏星出參伐有聲星尾紅光如縷直垂至地良久方滅太平蒲縣安邑榮河萬泉絳州隰州垣曲蒲州吉州永和饑人相食

七年垣曲屢被寇掠民不聊生三月間飢民千餘嘯聚六郎寨歪頭山四出搶劫知縣投自弘同范中軍督官兵鄉勇攻破賊寨殺首惡孫守備吳金富其餘招撫歸農八月北山餘孽出沒無常都司薛敏忠斬賊三十七級餘黨遠遁西路得通隰州水頭等處流寇土賊各據村寨賀人龍虎大威等剿滅之賊八大王等掠靈石

八年流賊千餘自絳縣至垣曲攻破馬村堡參將虎大威追至普塚村斬一百七十級賊首二郎神混天王及賊二百餘人勢窮請降大威受之巡撫吳密檄大威除之大威至翼城設計悉斬之岳陽流賊渡河而南餘賊猶據山中時出搶掠丙子丁丑戊寅間甚為民害

八年稷山垣曲旱蝗蒲州多狼殺童婦無算絳州萬泉安邑聞喜大饑人相食

九年春正月安邑大風震電雨雪聞喜絳州夏縣饑是年正月聞喜人相食撫院題奏援入疏內發帑二萬遣中官同撫院賑濟夏安邑大旱榮河蝗隰州永和狼災食人甚多稷山蝻害甚於蝗

十年夏隰州永和雨雹大如鷄子傷禾稼榮河蝗岳陽饑

十一年夏六月襄陵太平蒲州臨晉解州絳州蝗岳陽饑稷山靈石猗氏旱大寧黃河清

十二年二月初三日夜半平陽營兵作亂參將趙民懷不能戢巡道楊景明招降之斬首惡數人四月流寇自西北至郡城擾土門田村等處趙民懷迎擊於金圪窰大敗之斬首百二十級賊走陝西

秋太平聞喜安邑絳州霍州垣曲蒲州蝗靈石萬泉稷山旱隰州饑

十三年夏四月靈石天鼓鳴星隕如雨大寧雨雹大如鷄子

大饑民數千自陽城至垣曲搶掠各村遊擊柳如金迎擊之賊散去

十四年春大饑自十三年大饑到處木皮草根剝掘既盡復食人至有父子夫婦兄弟相食者至是年春斗米麥自八九錢至一兩二錢一兩五六錢者黃昏人不敢行油筋銀一錢八九分猪肉亦如之麥方秀即搗食麥熟飽食得病黃腫而死者甚多有委麥於野無人收者稷山疫死者相枕藉靈石復災噬人甚多

十五年春流寇復熾巡道朱之馮創建敵臺設常平倉以三千金糴粟備賑知府左其人勸民積粟儲餉之馮復招募新兵委衛官李承金訓練四月平陽營奉調援汴至沁水兵噪而歸之馮招安之斬叛首李胡等二十餘人事聞詔誅于總宋雙子

十五年夏四月大寧雨雪六月臨晉垣曲安邑地震官民虛舍俱傾數日方止

十六年二月賀人龍伏誅兵譁於路安參軍魏鎮虎見殺賊直抵平陽東北喬村鎮城守戒嚴遊擊柳同春迎敵斬二偵賊倉軍門差官撫之遂降駐金店鎮

搶掠如故知縣劉達練鄉兵以備之四月間賊陷西安晉撫蔡懋德親臨蒲州置防河兵歸至平陽於河東書院立干城社聘舉人桑拱揚為社正生員李廷秀為社副令生員張中蘊劉振聲等招義勇俠士百餘人教習騎射時曲沃賀漢復亦立社保障為守禦計十月間賊破潼關陷西安十二月分遣賊衆履冰渡河破吉州鄉寧等處賊將白鳩鶴李友自榮河竊渡二十五日聞賊行偽牌至平陽府巡道李士焜碎之斬其使夜四更營兵奔北門而逃是日襲陷蒲州剽掠十餘日蒲紳楊進以炮烙死又遣各偽官防禦使府尹州牧縣令於正月初旬渡河徑赴州縣上任原任官或聞風逃遁或繳印投降安邑縣房之屏霍州判官侯鼎祿拒不納城陷俱死之

平陽府部雜錄

水經注河水南過蒲坂縣西地理志曰縣故蒲也王莽更名蒲城應劭曰秦始皇東巡見有長坂故加坂也孟康曰晉文公以賂秦秦人還蒲於魏魏人喜曰蒲反矣故曰蒲反也薛瓌注漢書曰秦世家以垣為蒲反然則本非蒲也皇甫謐曰舜所都也或言蒲坂或言平陽及潞者也今城中有舜廟魏秦州刺史治太平遷都罷州置河東郡郡多流離謂之徙民民有姓劉名墮者宿擅工釀挾挹河流醞成芳耐懸食同